

цена 50 к.

ДЛЯ ФОНДА ВОСТОЧНОЙ И СТАРОЙ  
КНИГИ

Т.Б.Н. № 4

коста

ОБЩЕСТВО ПО ПОДДЕРЖАНИЮ  
ПОДГОТОВКИ КОМПЛЕКСНЫХ  
ИССЛЕДОВАНИЙ



ДАГГОСИЗДАТ - МАХАЧКАЛА

1940


татск. яз.

ТВТ с  
ХЧ1

КОСТА ХЕТАГУРОВ

ИЗ ФОНДА РЕДКОЙ И СТАРОЙ  
КНИГИ

# СТИХИГЬО



Коста

X

ДАГГИЗ—МАХАЧКАЛА—1940

## МЕ НОВИ НИСДУЬМ

Ме нови нисдум э кессувзе биёбу,  
Эз хъэшо вегъэгър нидануьм вирихде,  
Хъэрэм гъузетимере эй вечарунде,  
Лап хъуьршлув гъисдиш недануьсд десде.

1954 X 1318

БИБЛИОТЕКА  
ГРНЦ ТЮКС-2077424  
Академия наук СССР

Эз гужлугъо ме нихогъум хъэйфбери,  
Герек нисди мере кумеки дусдгъо,  
Ме гъич нитерсум эз овореи,  
Эз ульуьм, сэгIэр, сэхде зенжилгъо.

Эри гъеме хэлгъгъо мэгIни хунденуьм,  
Зиноире очугъ тембихь доренуьм,  
Ме э пушой эн зулм сине норенуьм,  
Очугъ расдире ме гуфдиренуьм.

Дусдгъо эйчуьни, гъеме бирори,  
Эз гъеме сес шолуми оморе.  
Дульшме эйчуьни, э дульме недери,  
НэгIлети эй сохде угьоре.

Дульсогъ гъисди ме гешденуын  
азади,  
Э тегъер мэгіни сес сохденуын  
зенжилгъо,  
Э овореи эй хэлгъ гъисдуын гээзизи,  
Хубтеи мурдре э гуымлууье сэхъргъо.  
Десде чувь соху?—езугъэ гъулгъо,  
У буше эшгъгъо вогосутгу э угъо,  
Дульнёгъ хъэрэммени—муыгъбет  
гүүзетме,  
Томом хори ве асму гъисди ватанме.

## ДЕДЕЙ ЕТИМГЬО

Э сер бее зере куле,  
Гъилогъэш гъэе зери,  
Э верф—жилид сэхд пичире,  
Аул эн Нар хисири.

Энжэгъ е тэхъно хунеле,  
Ведешендени дурере,  
Э сер дургуне эловле,  
Гъэжгъу эдей дульшире.

Э ён гъэжгъу гэиллегъо,  
Гъульж дироморе нувшдет,  
Э кул ишу пурдалигъо,  
Жундуыр-бирэхъне бирет.

Э лой гъэжгъу дёнишире,  
Гэиллегъо имиди,  
Чумлэгъошуш дердлув бире,  
Тэхъле гэргсю гъисд веди.

„Мегирисит гэилгъойме,  
Дедей гъурбу эришму,  
Тоб дульзоре бэхш мидуын ме,  
Лубие ду шунум эйшму“.

Кем-кем сухде чубугълегьо,  
Эдей верафде дуре,  
Дедей тий сохдени Гэрсгьо,  
Тар сохдени гъэжгъуре.


— „Бебелешму имуре шенд,  
Беде гъовре берд уре  
Пенж етиме эй пойме бенд,  
Гышд у инжо имуре...“

— „Э мульдайтуревоз шуввер,  
Эз ме фегъмлую бисдори,  
Эрилеймеш жиге сох, бер,  
Э ме гъувот недери“.

Гэрсгьой дедей гье омборте,  
Э гъэжгъу дерафдени,  
Чубугълегьо кем—кем сухде,  
Дурелеш верафдени.

Эз гъеме чукле езугъле,  
Денишире вомунде.  
Дегешде э ёнлей кинле,  
Чумлей ю э хов рафде.

Э песойтуу угъонигеш,  
Михисуыт, фирмуш мибу,



Хов фирмундени гъемереш,  
Гисней гъисдигеш зобу“.

— Эдей эжи шиловоле,  
Веги уре эз кинле,  
„Поит, поит, бигылит дульшув,  
О, мухурит гъемелешму“

Оммо игьореш хифлет берд,  
Эз чумгъо гээрс поисди,  
Дедей эдей кешире дерд,  
Эри кул лихьиф нисди.

Э ён пойгъой гэиллегьо,  
Гъувотсузы дедей нушд.  
Ве шэх-шэхэй герме гээрсгъо,  
Гъутинегъой энуре шушд.

Э гъэжгъучеле дебу сенгъ,  
Хуурде-хуурде месегьо,  
Оммо угъо имид бу сэхд,  
У гиснее гэиллегьо.

Э ширине имидевоз,  
Эй гээлгъо ненуй хунд,  
Бегем э дургуниревоз,  
Зиндегуни нисди күнд?

## ЭРИ, МЕ ДИЕ ПИРУМ!

Эри, ме пирум, туть сэгымлув денишире,  
Э чухуре чумгъо, э гъувъж дироморе пуст,  
Кемермеш бонгъуз, лап бирач веди бире,  
Гловдол пири э душгъо офдори, дусд.

Эри, ме дие пирум!  
Оммо туть верас—э удевр гэили  
Гъисмет зобу векенди эз ме,  
Хушлуье шори эн гэилире,  
Вежесде э сес мэгхни гээзизе дедайме.

Эри, ме дие пирум!  
Оммо туть дан ме чуьтам пуч сохдемге  
бэхдэрж  
Рачи живонире, э эшгъ гэлмлувье корлэгьо,  
Оммо эн екиллеиш неомо э эвеж,  
Недиরум эз екиш дульсухине чумгъо.

Эри, ме дие пирум!

Оммо тув верас, согъ гъумуурме гье не-  
гъогъ,

Куунде дусдгъо ве бироргъо эриме гешдем,  
Чүн етим гумлуу, сэгіэр кеширем гъуль-  
муур согъ,  
Эз гъумуур хъээ недире, эз гъумуур по-  
исдем.

Эри, ме дие пирум!

Эри, ме пирум... тув сегымлуу денишире,  
Э чухуре чумгъо э гъульж дироморе пуст,  
Кемермеш бонгъуз, лап бирабаа веди бире,  
Повдол пири э душгъо офордери, дусд.

## Э ТОВУН МУҮРДЕИ ДУХДЕР ДОГЪИ

Э дерд кумеки нисоху гэргээ,  
Негъогъ гирисле тув э сер эну,  
Муйгъой энуре дечи э гуулгъо,  
Хъэйф мекеш эй муурдэй эну.

Чүн хушбуйлую гуль васали, оде,  
Хэйли дур, хэйли дур у ээ дигъбон,  
Тууш уре ээ ёр—хээлгъо шенде,  
Тэхъиноле веромори мигърибон.

Э далдей хэсдэ кулай эн гули,  
Пури рихъон ве хушбуй эн хоши,  
Э соките гумлууье могъбули,  
Уш чум вокурде мидениши.

Екиш э и темэхъкоре гъульом,  
Даже гье тууш дульхощие дедей,  
Бойгей жовонире гуш негирдэй,  
Э гъэвл жовоне дуль недарафдэй.

Хошигъо, войгелуье ииетгъо,  
Э сер эн ховлуве хъэвувьзиш,  
У ээз у чумгъо рихде гЭрсгъо,  
Не веровунд рэхъм эдуыл эн екиш.

У гъечи чүн гъульзургуыл васали,  
У могъбул мидениши э гъеме,  
Веромо э етими, соили,  
Те уре руфде неберд зуыгІбе.

Мидануьсдми езугъ вероморе,  
Э гүльлом эн темэхъ ве женг у ?..  
Дечи э гуылгъо муйгъой энуре,  
Хъэйф мебер түү эй муърдей эну!..

### МЭГИНИ ЭН НҮҮКЕР

Иму э говду зэнде оморейм,  
Келе бирейм түү не ме.  
Эеки хурде жохо кепирейм,  
О, түү езугъэ хэрлайме.

Эеки, э жун рэхъм неберде,  
Гээзиет дорейм синере,  
Сабуурлуу тэ э гъовре дерафде,  
Мурайм рэхълеймуре.

Князь иму зигъигу эй хувьшде,  
Э иму чүн кори инжо?  
Гүльмуур—хойн, чоре нисд эй муърде,  
Иму гъеме мибошим унжо.

## КУБАДЫ

Э гермигъо ве э туфон,  
Гье э е жундуре пусди,  
Овореи у чүн думон,  
Фэгъир—езугъэ Кубады,  
Э фандиревоз нуьшдени,  
Ебонжэгъи сохдени.  
У бинесувзе гэилле,  
Де э хинике утогъле,  
Мидениши у гье изму,  
Э төбэгъэй эн асму,  
Эй е жуьхле нун у гэил,  
Хэйли сохди у тартапил.

Пой бирэхьне, хэсде—менде,  
Гьеме уре гъэгъри сохде,  
Унегуьре у темеруз,  
Невинири е хубе руз.  
Э зологъгъой эн кон пойгъо,  
Мэглнигъо михундүйт бэгъгъо.

НэгI, хуби пуч бире рафде,  
Эз гьечи э гльулом мунде,  
Гьечи ногъомо кешире,  
Э гъовре э хок пусире,  
Бигъил гье у гъоврелайтув  
Езугъ беру э жунлайтув.

Туьре бала не хорунди,  
Не чушме э гъувотевоз,  
Не э сипре синеревоз,  
Эй туть э рузгъой апрели,  
Э сер гуферей гэили,  
Ненем-ненуй кес не хунди.

Кими вэхд бире нэхирчи,  
У э васали михиси,  
Э бун неверие говду,  
Верфиш сэхд мизе зимисду,  
Э мугъоре бире говду,  
Гьер вэхд мэглнигъо михунд у.  
Фирегъуне кулелугъгъо,  
Сертиклуье савзе доргъо,  
Гъэгъри могъбуллуве гъое,  
Гьеме руе эну оморе,  
Э дерд эну бэхш вегирде,  
Дерд юре микешируйт.

Хунчелуье гульгъой сэхьро,  
Паруысле сүмүртгъушьо,  
Келе громгъой асмуни,  
Тэхъле Гэрсгъой эн жайрони,  
Гъэйнемише никерегъо,  
Ве мэгнигъой нэхирчни.

Э догъгъо жилгъэлэгъо,  
Э сер гиёв ворушлегъо,  
Жиге гемел эри нэхир,  
Глов ве мержгъо тап те эхир,  
Дие вэхди эй азади,  
Ниет мисохд гье Кубады.

Оммо мозол лап кутэхьи,  
Бедбэхди гье э пэхъники,  
Миёв у гыч нипуурсуу,  
Гуургиш гусбенде мидувздуу,  
Эз чой овло дир несоходе,  
Миберуу уре эри хурде.

И гэлемете нэхирчи,  
Хысоб эну гысади гьечи,  
Уре сэхде хысоби,  
Мивини е гиле Кубады,

Нэхире у шуморди,  
Оммо хэйли веди нисди.

Рафдет, эжеуыт угъо?  
Эз товней эни дердме,  
Ме бурам гуюм э кигъо?  
Гуфдируумге и хэбере,  
Межэгъуыт гьемей эн угъо,  
Алдариш шап микушув мере.

Де чуытам соху Кубады?  
У нэхире тэгиди-тэгиди,  
Э дигь гьей сохд гье гьелувсди,  
Песде видовусде рафде,  
Э тикигъой эн Адея,  
Э дигорские гъэгъо.

Гээзизе улкай хувшдере  
Ве буутуын Кабардире,  
Рафдени э фандиревоз,  
Ве э Калак э эшгъэвэз,  
Эри хунде мэгнигъо,  
Михурд шороб э межлуусгъо.

Овосунгэгъой энтуре,  
Гэлемете мэгнигъо,

Небирукт эхир гъич гүйгэ,  
Кубадире шиниренге,  
Э у гъеме хуб гүш дошде,  
Хэндүсьсде ве гирисде,  
Бирукт рази те воисде.

Эри гешде э хоригьо,  
Гъуллугъ мисохд уре пойгъо,  
Гүм нийбисдо мэгіни эну,  
Ини диреним уре иму,  
Мэгіни хуне пире мерде,  
Э гээзизе дигьбон хүвшде.

Э герми ве э зуыг бэгьо,  
Э парае парталлегьо.  
Рэхь хүвшдере эдэй рафде,  
Лерзире у ээз занигьо,  
Е ки уре э и дигьо,  
Мэгіни хуне нис шинохде.

### КИНИ ТҮҮ?

Мепуърс дие, ме кинуым,  
Эз дворян нисдум мэ,  
Гүзелиш ки ме нисдум,  
Гээдотини балай мэ.

Черкеска ве килэхьиш,  
Ве гъобо кубут ю,  
Гъич войге руйшениш,  
Нисди у тозей ю.

Эз хъэсдили кишилие,  
Простое палани,  
Воисде ээз товней мэ,  
Түү е кор-чи дани?

Гүш вени.. э догъгьо, мэ,  
Зигьисденум чүн гъушле,  
Дедей мэ зенди мере,  
Э торике говдуле.

Э жигейге эй зэнде,  
Уре минкин небу,  
Эри дедей темизте,  
Күнжиге гъэгъет бу.

Ме эз унжо чуын ульумь,  
Вирихденуым рафде,  
Уре нисдануысденуым,  
Ме гъич фирмуш сохде.

Дедеймуре е вэхдиш,  
Небу духдергъю,  
Не гъемиге гэрьишиш,  
Ве дер-диворгъю.

Эз амбаре кор сохде,  
Бебе небу хэвлет,  
Дедей эри дурунде,  
Уре нидо мульгьелет.

Э ки бэхдевере зен,  
Зигьисдум хэйли ме,  
Гъечи хэйли, мегь, нимсал...  
Гирошдүйт рузгъой ме.

Э шир кесигерёвозд,  
Дошде оморем ме,  
Гъечи руз эз рузевоз,  
Сэхд гужлув бирэм ме.

Келе бире сер гирдуым,  
Эй гешдэ э догъгъю,  
Эй лугъэй нун мухундум,  
Э шоре межлусгъю.

Хуб э ёр ме немунди,  
Чигърет эн бебейму,  
Гъич не мульгьбет, не дусди,  
Недирэм ме эз у.

Зен хосд бебе эй хувшде,  
Э недангъю хумне,  
Увэхди мере песде,  
Вогорунд э хуне.

Эй зенбебе кукгъой кес  
Гъич бегем гэили?  
Хоши эну келе нэхьс,  
Гъирможи—гъэмчили.

Эри жайрон э пайде,  
Бебе мирафд э догъгъю,

Зен жэгъэржугъ э герде,  
Лесебил э хунегьо.

Э гъер жиге овчире,  
Ульум гузет сохде,  
У амбар гъит э гъовре  
Саламет дегешде.

Гъич небу эз овчигьо,  
Эз бебейму хубте,  
Пуч бисдо у э догъгьо,  
Мегьите не оффде.

Зен уре эз ёр нешенд,  
Чуьтариш гириге,  
Унегуьрэ хорире,  
Фурухд э кесиге.

Уре мидануьсдуьмге  
Ме эгъуль доре,  
Оммо дедей хувшдере,  
Дэглино нибу зере.

Увэхди варасирым,  
Мундем гуфре чисульз,  
Гирисле—негирислуьм,  
У кор гъисди хэйрсуьз.

Хэйли угее деде,  
Незигьисд э киму,  
Хувшдере хомуш сохде,  
Э шуввер гъишд рафд у.

У мере гъечи шенд рафд,  
Э гисне хунеле,  
Ме муьрдумгеш-мундумгеш,  
Гъич э гуш эн ки де?

Хорундум гусбендгьоре,  
Э ён туынде чойгьо,  
Эри е тике гъофун,  
Эрилей хувшгэ нун.

Э сер тие сувмерле,  
Сеге хуно хисире,  
Пушой паска меселе,  
„Да—да—дай“ ме хундем.

Ебойге э нэхирчи,  
Мере теклиф сохдуть,  
Мере угъо гъе гъечи,  
Е дэгь тэгъэ жуьгь дорут.

Мере дорут епинжи,  
Е килэх ве сумке,  
Дие шевгьо ме динжи,  
Мегирдүм э хуне.

Оммо эри додоре,  
Офд миомо амбар.  
Гъэрэз „да—да—дай“  
Гье михундум эзвер.

Ме шаздэгь сале жовон,  
Бирум гъечи тэхсир,  
Корсувз амбар гешдем ме,  
Весси дие, эхир!

Туль хуб мульхкем поисдей,  
Э сэхде занигъю,  
Туль дурунде дануьсдей,  
Гиёве э мержгьо.

Ижире десгьой мерди,  
Биё гъугъэр зенувь,  
Оммо ээ товун гъэрди,  
Эз дес ведарафд хори.

Эки глоширгьо рафдум,  
Батраки эй сохде,

Гъер коре мидануьсдуым,  
Эз дес гировунде.

Э и дануьсдеиме,  
Гъеркиш бэхили мисохд,  
Е шеле микешируым,  
Хэреш хэсде мисохд.

Ме дануьсдуым бофдере,  
Гъер жире сукногъо,  
Герек нисд тэгПриф доре,  
Руьхшени у коргъо.

Э зар-заригьош нэгъде,  
Вечире дуль хосде,  
Лап ээ гьеме чи сульфде,  
„Да—да—дай“ вешенде.

Дуль хуно сэхде руй,  
Нисдуме гыч гьечуш,  
Гу:—туль лап усоли,  
Бовор мисохум э уш.

Руз э вэхд оффоигьо,  
У гьишдени рафде,

У э менглүье шевгьо,  
Сейл зере воисде.

Эй азади мульбетиш,  
Эн ки дери э дуль,  
Дие эйчуй гъайнемиш,  
Бире и нэхьсе хун.

Гердо у гъэгъигъэт,  
Мозоллу, бэхдевер,  
Чуынки гъечи гэлемет,  
Лап рачи эз гъэдер.

Гье бирден эз нокуми,  
Уре диренки ме,  
Эз шори ве гъэми,  
Офдо рафд и дульме.

Гүйге э у дирашуьм,  
Чилокон торики,  
Лап фирмунде оморум,  
Уре ме диреки.

Ме увэхди э догъю,  
Бисдорум оворе,

Дур эз коргью ве боргью,  
Э рэхъю оффоре.

Э дульме жесд гъэбер,  
Ёд бисдо дигь эй ме,  
Чуын гэтош бирор-хэгъер,  
Бисдо гүйге эй ме.

У духдер, рапе гульмел,  
У ригаз эн суврхи,  
Эй чув эз рачи эзел,  
Товунд мере эхи?

Эйчуй гъечу хэндуьсд у,  
Лап дульлош ве ширин,  
Е бэхш мере недо у,  
Несохд мере олхогъин?

Бэхшлемиш сох тув э ме,  
Хуб нике инсон,  
Эй келей ихдилот,  
Кемглүймууре жугъон.

Ульуми—зимисдуйму,  
Нисди зиндегуни,

Бедбэхдигьой эн иму,  
Сер-сереки рихдени.

Поиз эз кор нисд хэвлет,  
Шев ховсүзи бире,  
Ширин гүзеле женнет,  
Э васали бире.

Чувшме уьшуьгъ лов сохде,  
Тов сохди хорире,  
Кечиш эз зуревоз де,  
Суьмер нис дуьздире.

Догъгьо снетов зере,  
Рихдени сайловгъо,  
Муьргъгьо мугъумгъо зере,  
Пур бире гелегъо.

Пелпелульгъо э богъ,  
Товусдет эз ригаз,  
Гъечи тув эй гъуччогъ,  
Жаруьсдей эри хъэз?

Пул жигъизе зубош ди,  
Пес меше тув коре,

Гъей наргови—гусбенди,  
Небуге нэхире.

Эй жигъиз хьозури пул,  
У гъэдерсувз хуби,  
Гье эз денде гуле-гул,  
Рафд пуллей косиби.

Э десгъоймеревоз ме,  
Дорем нэхире муьнуьк,  
Эй бугъо зен хуьсуурме,  
Е Гэсо хиррем бим—буьк.

Ме гысад—нисде гъемере,  
Дорум вегирд Гэсбе,  
Имугъой рэхъмере,  
Ведабурри бебе.

У пире мерд бед юни,  
Лап уьктем зигъисде,  
Э дигъ у лап хъэйвуни,  
Э кифлет жин гуьрде.

Бебере нисд минкин де,  
Эри гоф гуфдире,

Духдер эдэй варасде,  
Дедей амбар терсире.

Э дедеевоз ченд дов,  
Сохдем меслэхъетиш,  
Бебе нэхьс чуын наргов,  
Нис бире гьич гъонмиши.

Э худо минет—эрзе,  
Сохдум, нисд кумеки,  
Лап дульме сиетов зе,  
Чуын эн шев торики.

Ки мурав эйме илчи,  
Ки мибу эйме тобиб,  
О, тэхънои тув гъечи,  
Ой фирмуше косиб.

Ки мурав э илчини,  
Эй э рай овурде,  
Терси, у илчингьоре,  
Некую у песде.

Ме хувьшденме мурам де,  
Хэторе дур сохум,

Гье лол бире поисде,  
Уре ниветовум.

Гье бирден бисдо екор,  
Шинре беде хэбер,  
Ки е глошире домор,  
Хъозури эй духдер.

У духдер илчингьоре,  
Гьич э гуш нис гирде,  
Зар деноре гирисле,  
Езугъ шулькеет сохде.

Э хори дураз бире,  
Муй сере векенде,  
И дердине сермере,  
Кумек хъэрой зере.

Тэхъл нисдими гъэдерсуъз,  
Ижире гльумуьрме,  
Кинуьм ме?—тэхъно, кессуъз,  
Иш эйтуй нум эн ме.

## СЕРНОМЕ

Ме нови нисдум	3
Дедей етимгъю	5
Эри, ме дие пирум	9
Э товун мурден духдер дөгън	11
Мэгіни эн нүйкер	13
Кубады	14
Кини ту?	19

Н 34. ДЛЯ БИБЛИОТЕКА  
Научного совета  
Академии наук СССР.

## Татский язык

Переводчик Х. АВШАЛУМОВ  
Редактор М. БАХШИЕВ  
Техред. М. ХАНУКАЕВ.

Сдано в пропизв. 31-VIII-40г. Подписано к печати 1-XI-40 г. Дагиз  
№ 284. Зак. № 960 Формат бум. 60x92 1/2 Бум. л. 1 1/2 Объем 1 п.  
л. С-7422 Тираж 300.

Гор. Махачкала, типог. Дагиза им. С. М. Кирова.